

四庫全書

集部

欽定四庫全書

御定歷代題畫詩類卷一百十二目錄

草蟲類

謝興宗惠草蟲扇

宋司馬光

和圓機題草蟲

宋晁說之

雍秀才畫草蟲七物

宋蘇軾

觀居寧畫草蟲

宋梅堯臣

題草蟲扇

宋陳造二首

草蟲扇

宋范成大

戲題常州草蟲枕屏

宋楊萬里

題山莊草蟲

宋楊萬里

謝人送常州草蟲扇

宋楊萬里

盧希顏草蟲橫披

金段成已

東平李漢卿草蟲卷

元元好問二首

文湖州草蟲

元元好問

屏上草蟲

元劉因四首

題劉大用畫草蟲手卷

元王惲二首

題草蟲畫卷

元馬臻

題水墨蓼花草蟲

明劉基

題松雪翁臨祐陵草蟲

明高啓

題徐熙三蟲圖

明高啓

題許瀾伯三蟲圖

明高啓

題草蟲

明丘濬

題趙松雪臨宋徽宗水墨草蟲

明楊基

畫草蟲

明魯鐸

畫草蟲

明楊慎

蟻蝶圖

宋黃庭堅

百蝶圖

元劉因

黃荃蜂蝶圖

元王惲二首

滕王蟻蝶圖

元王惲二首

畫雙蝶

元虞集

蛺蝶圖

元陳樵

題萱草蛺蝶圖

元趙孟頫

花蝶謠題舜舉畫

元鄭元祐

題吳性存所藏趙仲穆竹枝雙蝶圖

元顧瑛

題趙子固蕙花蛺蝶圖

元滿純

竹蝶圖

元張憲

題萱蝶圖

元呂誠

畫蝶

明李東陽

題蛺蝶花上蛺蝶

明張鳳翼

扇中雙蝶

明徐渭

題黃葵聚蜂圖

元陶宗儀

畫蟬

宋蘇軾

畫扇柳蟬

元虞集

畫蟬

元丁鶴年

題王生畫三蠶蜻蜓

宋蘇轍二首

畫蜻蜓

元程鉅夫

詠徐正字畫青蠅

唐韋應物

偶訪吉甫畫三蠅壁間

宋倪巨濟

莎鷄蜥蜴

元程鉅夫

促織圖

元吳師道

蟋蟀圖

明葉初春

跋聚蟻圖

宋夏均父

楚宮室雞將啄蟻畫

明徐渭

錢舜舉禾鼠

元袁桷

題錢舜舉禾鼠圖

元柳貫

錢舜舉碩鼠圖

元邵文原

為費廷言題沈士稱畫枇杷雙鼠

明吳寬

御定歷代題畫詩類卷一百十二目錄

欽定四庫全書

御定歷代題畫詩類卷一百十二

草蟲類

謝興宗惠草蟲扇

宋
司馬光

吳僧畫團扇點綴成微蟲秋毫宛皆具獨竊天地功細
者及蛛蝥大者纔阜螽枯枝擁寒蛸黃蕊粘飛蜂翾然
得生意上下相追從徒觀飛動姿莫覩筆墨蹤兒曹取
真物細校無不同恐其遂躍去亟取藏箱中乃知藝無

小意精神可通不興誤圖蠅能惑紫髯翁子猷狀蟬雀
藏寶傳江東不知古何如此畫今為雄人墓木已拱其
徒頗能工舊法存百一要足超凡庸友人幸為賜物薄
意何隆玩之不替手愛重心無窮常如對君子穆穆來
清風

和圓機題草蟲

宋晁說之

怒劍無煩起逐蠅從教小物此馮陵禮加蛙臂何時用
書到蠶頭幾日能半是苔邊徒有感金收芋處肯生憎

如椽大筆么麼落憤懣令人終拂膺

雍秀才畫草蟲七物

宋蘇軾

促織

月叢號耿耿露葉泣溽溽夜長不自暖那憂公子寒

蝦蟇

睥目知誰瞋瞞腹空自脹慎勿困蜈蚣飢蛇不汝放

蜣螂

洪鐘起暗室飄瓦落中庭誰言轉丸手能作殷雷聲

天水牛

兩角徒自長空飛不服箱為牛竟何事利吻穴枯桑

蝟虎

跂跂有足蛇脈脈無角龍為虎君勿笑食盡蠱尾蟲

蝟牛

腥涎不滿殼聊足以自濡升高不知回竟作粘壁枯

鬼蝶

雙眉卷鐵絲兩翅暈金碧初來花爭妍忽去鬼無迹

觀居寧畫草蟲

宋 梅堯臣

古人畫虎鷁尚類狗與鷺今看畫羽蟲形意兩俱足行
者勢若去飛者譟若逐拒者如舉臂鳴者如動腹躍者
趨其股顧者注其目乃知造物靈未抵毫端速毗陵多
畫工圖寫空盈軸寧公實神授坐使羣輩伏草根有纖
意醉墨得已熟權豪不可致節行今仍獨

題草蟲扇

二首

宋 陳造

振首一振怒臂鼓翅雙搖利鋒底用交綬解鬪政應沐

我仁風

迎隨小躍低飛無謂二蟲何知却因毗陵畫手憶我田間杖藜

草蟲扇

宋
范成大

莫嫌絡緯股鳴悲解向寒牕促曉機海眼多花無藉在
顛狂只待學于飛

戲題常州草蟲枕屏

宋
楊萬里

黃蜂作歌紫蝶舞蜻蜓蚱蜢如風雨先生晝眠紙帳溫

無那此輩喧夢魂眼中了了華胥國蜂催蝶喚到不得
覺來忽見四摺屏野花紅白野草青勾引飛蟲作許聲
何緣先生睡不驚

題山莊草蟲扇

宋
楊萬里

風生昨蟭怒鬚頭紈扇團圓壁月流三蝶商量探花去
不知若個是莊周

謝人送常州草蟲扇

宋
楊萬里

生怕炎天老又逢草蟲扇子獻奇功還將多稼亭前月

卷盡西湖柳上風
蚱蜢翅輕塗翡翠
蜻蜓腰細滴猩紅
舊時綠鬢常州守
今作霜髯一禿翁

盧希顏草蟲橫披

金段成已

牛李黃蘆相並枝
秋蟲瀟灑弄幽姿
畫師老筆生新意
寫出無聲七月詩

東平李漢卿草蟲卷

二首

元元好問

蟻穴蜂衙筆有靈
就中秋蝶最關情
知君夢到南華境
紅穗碧花風露清

過眼千金一啞輕畫家元有老書生草蟲莫道空形似
正欲爾曹鳴不平

丈湖州草蟲

為劉使君賦

元
元好問

造物無心筆有神翾翾飛動百年新蟲魚瑣細君休笑
學會屠龍老卻人

屏上草蟲

四首

元
劉因

螳螂

逢物即能產其滋乃爾蕃不知何所積擬欲問乾坤

蝸牛

背上穹廬好問蟲誰汝施始知天地內棟宇匪人為

螻蛄

後利前還滯陰陽體改分不須觀兔尾即此見義文

螽斯

陽施陰專受精醇物始真蟲魚寧解此聊用比振振

題劉大用畫草蟲手卷

二首

元王惲

蠕動翺飛自一天眼中風露發清寒筆端正有坡仙趣

莫作宣和藝本看

東坡墨戲出新意八詠復見河陽劉夢到草堂風露冷
碧花籬落候蟲秋

題草蟲畫卷

元馬臻

嚶嚶趯趯自知機展卷誰憐下筆時采得國風千古意
分明一段召南詩

題水墨蓼花草蟲

明劉基

為愛江頭紅蓼花秋來獨作草蟲家尋香粉蝶應隨夢

采蜜黃蜂不趁衙絡緯語殘涼露滴蜻蜓立困晚風斜
畫圖水墨驚初見却似扁舟過赤沙

題松雪翁臨祐陵草蟲

明高啓

宣和遺墨畫難工唯有王孫筆意同莫問吳宮與梁苑
一般草露覆秋蟲

題徐熙三蟲圖

明高啓

雌蝶雄蜂各快心逐香窺豔競相尋南園雨過紅芳歇
輸與鳴蜩占綠陰

題許瀾伯三蟲圖

明高啓

蜜脾未滿報衙頻，蠹化初成傳粉新。
誰道爭花羣隊裏，長吟還有獨清人。

題草蟲

明丘濬

春雷驚動蟄蟲起，日暖風和花破蕊。
肖翹蠕動飛且行，盡入君家畫圖裏。
問君何處得此圖，仁智殿前揮灑餘閒來。
細玩格物理，有如一部埤雅書。

題趙松雪臨宋徽宗水墨草蟲

明楊基

王孫老去尚風流
畫裏新詩淡寫愁
莫道吳宮與梁苑
露蛩煙草一般秋

草蟲

明魯鐸

淑氣濃薰芳草晴
絲不礙飛蟲
春物都堪描畫
無人畫得東風

畫草蟲

為黃月坡賦

明楊慎

天下幾人畫草蟲
吳興公子癡孫隆
冰絲雪練鳴趯趯
丹屏繡几飛茺茺
漁父蜻蜓愛釣縷
美人蟋蟀嫌雕籠

百種生意何融融
夷羊非羊鴻非鴻
長卿帶晚翠
簡子矜秋紅
王孫西遊歸
未得清江碧
草煙濛濛
憶昔曹不興
點蠅惑頓翁
滕王埽蚨蝶
摹榻喧唐宮
宋家道君入
能品鸞標顰
軸沈穠穹
古來好手竟
寂寞老癡江
東灑絕跡
君不見醢雞
發覆天夢夢
蝶飛磴雨春
飛風小癡大
黠應物理
孫癡非癡乃
其聰癡翁之
死誰繼出西
川曹狂稱最
工癡狂乃有
兩絕藝
燦耀滇南與
江東
竭來曹狂數
相見
吮毫蠲紙驚
飛蓬
月坡仙人好
奇者
賞鑒

自與山谷通鳳嬉亭前月朧朧更僕不知寒漏終銅盤
燒蠟春如烘懸圖索賦何匆匆蚊脚細字盈方空酒酣
操觚持似公雕刻自媿吾家雄

蟻蝶圖

明
黃庭堅

胡蝶雙飛得意偶然畢命網羅羣蟻爭收墜翼策勛歸
去南柯

百蝶圖

元
劉因

芳蝶具百種幽花散紅翠道人觀物心一一見春意

黃荃蜂蝶圖

元
王 惲

翅粉翻香卷鐵鬚
亭亭花影小華胥
黃生筆底留深思
似與齊丘釋化書

鳳輦隨渠即幸臨
隔花望斷翠嬪心
春風上下撲不得
飛過畫闌情更深

滕王蟻蝶圖

二首

元
王 惲

槐壤紛紛事暫歡
枕中栩栩伴周閑
丹青欲識滕王意
須著人間比夢間

粉香金翠夢能甜
細寫春情入筆尖
却恐尋香飛便去
六宮爭下水晶簾

畫雙蝶

元虞集

舞罷庭花落池邊
看睡兒無端雙蛺蝶
飛上繡羅襦

蛺蝶圖

元陳樵

禁藥名園信所之
深紅膩紫共春暉
人疑落葉有生色
我道飛花上故枝
掌上豔姬垂裏舞
屋頭故吏竊香歸
花中只許秦宮活
未必莊生入夢思

題萱草蛺蝶圖

元趙孟頫

叢竹無端綠幽花特地妍
飛來雙蛺蝶相對意悠然

花蝶謠題舜舉畫

元鄭元祐

花魂迷春招不歸夢隨胡蝶
江南飛碧蕤粉香酣不起
卧帖芳茵唾鉛水癡娥眼嬌
錯驚顧解裙戲撲沾零露
折釵搔首笑相語阿誰芳心
同栩栩頽雲流光空影寒
冰波絨恨嘯闌干

題吳性存所藏趙仲穆竹枝雙蝶圖

元 顧 瑛

閣道春風度湘簾夜月初多情雙蛺蝶也解逐羊車

題趙子固蕙花蛺蝶圖

元 潘 純

江上青山日欲晡幽花小紙墨糝糊華清宮殿生秋草
零落滕王蛺蝶圖

竹蝶圖

元 張 憲

落盡春紅春夢熟平沙小窠窗中綠美人睡起背東風
蛺蝶飛來上修竹

題萱蝶圖

元 呂誠

堂前萱草散滿地
朶朶幽花也可憐
絕愛簪簪相映帶
生憎蛺蝶舞留連

畫蝶

明 李東陽

度竹穿花處處心
暖風晴浪影浮沈
亦知春去無多日
猶在花叢與竹陰

題蛺蝶花上蛺蝶

明 張鳳翼

蝶解傳花魄
花能引蝶來
蝶疑雙宿影
花作並頭開

扇中雙蝶

明 徐渭

春至百花繁名園蛺蝶翻美人將扇撲搦得一雙痕

題黃葵聚蜂圖

元 陶宗儀

亭亭花萼嬌秋光露滿金栝蝶翅涼二月好春渾忘却
亂飛爭戀御羅黃

畫蟬

宋 蘇軾

蛻形濁汙中羽翼便翾好秋來關河闊已抱寒莖槁

畫扇柳蟬

元 虞集

不食遂終日長吟如老翁金盤九秋露玉樹一絲風

畫蟬

元
丁鶴年

飲露身何潔吟風韻更長斜陽千萬樹無處避螳螂

題王生畫三蠶蜻蜓二首

宋
蘇轍

飢蠶未得食宛轉不自持食蠶聲如雨但食無復知老
蠶不復食矯首有所思君畫三蠶意還知使者誰

蜻蜓飛翩翩向空無所著忽然逢飛蚊驗爾飢火作一
飽困竹梢凝然反冥冥若無飢渴患何貴一簞樂

畫蜻蜓

元 程鉅夫

蜻蜓飛款款，雀葦舞僛僛。
欲泊未泊間，漂搖故多疑。
甚欲呼與語，小立休嫌疑。
枝葉元不動，風波有定時。

詠徐正字畫青蠅

唐 韋應物

誤點能成物，迷真許一時。
筆端來已久，座上去何遲。
顧白曾無變，聽雞不復疑。
詎勞才子賞，為入國人詩。

偶訪吉甫畫三蠅壁間

吉甫有詩次韻

宋 倪巨濟

何人刻獼猴，老眼覩荆棘。
不如丹青手，快意風雨集。
我

窮坐詩豪九鼎扛筆力偶然一點誤著紙生羽翼千言
走虬螭寧為寸紙逼還當寫君詩什襲同藏罨

莎雞蜥蜴

元
程鉅夫

羽短未堪振莎鷄抱禾穗無旱不須雲蜥蜴自游戲萬
國笙歌樂太平昆蟲草木咸生遂

促織圖

監州貫子
素微賦

元
吳師道

華屋歌鐘夜何從識草蟲惟應苦吟者相對共秋風

蟋蟀圖

明
葉初春

悲絲急管聲應異落葉哀蟬悲或同九月飄零猶在野
無人一為誦幽風

跋聚蟻圖

宋夏均父

紛然蟲臂蟻爭環付與高人一解顏不待南柯婚宦畢
始知身寄大槐間

楚宮室雞將啄蟻畫

明徐渭

錦葵窠下雄雞白黃蟻有翼飛終澀不應草葉更相遮
五寸荆軻千里隔王孫妙思快啾吞馬遷奇筆寫鴻門

當機對敵只如此翻令看者飛心魂

錢舜舉禾鼠

元
袁
桷

七尺長身媿負多清時空食幾困禾營營倉鼠纔分寸
不索詩人總譴訶

題錢舜舉禾鼠圖

元
柳
貫

華黍如雲兆歲功尚嫌鼠穴未能空今朝試舉迎猫祭
直想西成八蜡通

錢舜舉碩鼠圖

元
鄧
文原

禾黍連雲待歲功爾曹竊食素餐同平生貪黠終何用
看取人間五技窮

為費廷言題沈士偁畫枇杷雙鼠

明

吳寬

古詩三千兼刺美孔筆不魯刪相鼠齊諧志怪到張華
博物應疑鼠有才蟲魚註成非磊落韓子作詩譏郭璞
後來埤雅亦何為中有鼠譜煩農師鼪鼯鼯鼯本同族
散在人家稱小畜畫圖此種粟鼠否竹鼪野處同其儔
紛紛恣食高廩米晝伏穴中那有體一前一卻誇委蛇

李斯為汝誤已多暖風吹林金顆顆獨在江南飽珍果
永州事敗無才遺甘與鷓鴣守一枝

御定歷代題畫詩類卷一百十二

欽定四庫全書

御定歷代題畫詩類卷一百十三目錄

宮室類

徽宗畫周靈臺圖

元王惲二首

姑蘇臺圖

元程鉅夫

館娃宮圖

元鄭元祐

梁山宮圖

金麻九疇

阿房宮圖

元程鉅夫

阿房宮圖

元宋无

漢宣帝幸池陽宮圖

元王惲

題甘泉宮圖

元朱德潤

隋宮圖

明沈周

九成宮圖

元馬祖常

題郭忠恕九成宮圖

元王士熙二首

王摩詰驪山宮圖

元王惲二首

驪山宮圖

元王士熙

驪山宮圖

元馬祖常

題開元宮圖

元鄧文原

任南麓畫華清宮圖

金趙秉文

題任南麓畫華清宮圖後

元王惲

華清宮圖

元馬祖常

跋蘭昌宮圖

元王惲

離宮圖

元袁桷

題饒孟持所藏趙希遠畫渚宮圖

明危進

題王提舉界畫宮殿圖

明張紳

水殿圖

元于立

水殿圖

明高啓

恭題水殿圖

明劉銍

題趙希遠萬松金闕圖

明高啓

題趙希遠萬松金闕圖

明張適

題萬松金闕圖

明李廷興

招真觀圖

元楊載

題信州九天觀圖

元楊載二首

題德忠觀圖

明沈周

題祝道士龍虎山先天觀圖

元揭傒斯

仙山樓觀圖

元鄭元祐

郭忠恕仙山樓觀圖

元吳鎮

郭忠恕仙山樓觀圖

元黃公望

題仙山樓觀圖

元郭翼

仙山樓觀圖

元秦紱

題宋徽宗仙山樓觀圖

元顧瑛

仙山樓觀圖

元張雨

仙山樓觀圖

元唐肅

仙山樓觀圖

明高祐

題仙山樓觀圖

明陳憲章

題邊文進仙山樓觀圖

明方行

題仙山樓觀圖

明劉師邵

題仙山樓閣圖

明陳繼儒

題仙山樓觀圖

明僧宗衍

題仙山樓觀圖

明僧麟洲

題春山樓觀圖

明劉崧

題春山樓觀圖

明程敏政

秋山樓觀圖

元吳師道

題會稽韓與玉秋山樓觀

元納延

題舒真人北山樓觀圖

元薩都拉

題中天樓觀圖

明林鴻

溪山仙館圖

元吳師道

唐子華雲松仙館圖

元鄧文原

郭忠恕萬松仙館圖

元吳鎮

郭忠恕夏山仙館圖

元吳鎮

郭忠恕萬松仙館圖

元黃公望

李咸熙雪溪仙館圖

元黃公望

姚運使溪山仙館圖

明張羽

盧鴻仙山臺榭圖

元鄧文原

盧鴻仙山臺榭圖

元吳鎮

虎豹九關圖

元王恽

康樂圖

元劉因

錢鈞羽畫

元唐肅

小李將軍院體小幅

明祝顥二首

題院畫

明吳寬二首

題畫

明沈周

御定歷代題畫詩類卷一百十三目錄

欽定四庫全書

御定歷代題畫詩類卷一百十三

宮室類

徽宗畫周靈臺圖

二首

元王惲

靈沼臺高倚碧霄當時魚鳥被恩饒可能積德千年久
盛世看來僅四朝

徽廟初年布政優丹青揮灑想西周其如私慾橫流後
花石綱船墊九州

姑蘇臺圖

元程鉅夫

吳王大凱破越回西施飛上層層臺
撞鐘樹羽臨四野重江疊嶽煙霞開
捐衰棄舊窮遊逸不信佳人解傾國
春風楊柳鬪腰肢秋水芙蓉比顏色
珠歌翠舞儼成行鳳臞熊蹯安足嘗
願天回光繼白日願地注海供玉觴
君王宴樂無終極伍子昌言空激切
焦勞嘗膽卧薪人辛苦安知在仇敵
山自青青水自流君王日日臺上頭
麋鹿未遊吳已沼西施還上五湖舟

館娃宮圖

元 鄭元祐

複殿迴廊遶翠岑
鴛鴦嬌擁畫屏金
漫誇歌舞留君醉
千古人猶怨捧心

梁山宮圖

金 麻九疇

梁山宮高高切雲
秦家簫鼓空中聞
宮殿作雲王作龍
何人敢謁瀉池君
珠圍翠繞窮天下
道上行人衣半赭
不覺生靈血液枯
化為宮上鴛鴦瓦
朝盧生暮侯生師
事二人學羨門焉
知以此戕其身
神仙亦死何曾神
空

能詐取六屬國不識盧生真間客種成間隙盧生去尚
令道士作鬼語祖龍竟墮此機中以璧見欺猶未寤魚
腥引得扛鼎來梁山火滅漢旗開何如後世丹青手一
夫不役千樓臺梁山之圖却傳世梁山之宮安在哉

阿房宮圖

元
程鉅夫

智力有窮天不老秦帝山河迹如埽參差忽落畫圖間
白髮朝臣驚欲倒咸陽初起阿房宮六籍已焚兵已鎔
渭水函關萬年固終南秦華五雲中複閣重樓鬱相望

翠戶金鋪九天上上容萬人常有餘下建大旗知幾丈
霞靄霧翼天日迷山童地赭民睽睽窮奢極麗猶未愜
謂海可梁天可梯蓬萊何劇樓船遠上蔡東門歎黃犬
六國池臺春草長千門歌舞斜陽轉遊觀未畢化埃塵
宮樹淒涼野鹿馴至今世上丹青手留與千年作諍臣

阿房宮圖

元
宋 元

千門萬戶矗青冥六國脂膏四海兵豈但此中非常業
當時猶更有儒坑

漢宣帝幸池陽宮圖

李伯時筆

元王惲

武皇雄吞老未已
歲歲開邊兵四起
嫖姚出塞屢策勲
武繫陵降終國恥
騰凌蹂藉五十年
饗功歸到曾孫宣
萬方解怨盡內屬
龍庭南北無烽煙
池陽五柞郊歌裏
五日賜餉餘燕喜
呼韓稽顙謁甘泉
欲示雄誇先就邸
大陳還縱萬人觀
宣獨珍奇紛錦綺
歡呼歸作北庭藩
萬代稱觴甥舅禮
君王燕犒不知勞
鸞旗直上中渭橋
茂陵王氣如水清
建章宮殿春雲高
從此臨軒舒化日

一聲宮漏出花遙

題甘泉宮圖

元 朱德潤

漢郊五時咎鴻禧草木甘泉夜色移
昨日長安道傍過
故宮無柰黍離離

隋宮圖

明 沈周

誰云玉樹無人讀
馬上還聞夜遊曲
君王不自固
芭桑却道雍州能破木
楊花千里撲離宮
富貴濃酣似夢中
百隊蛾眉皆鬪月
千林彩樹不驚風
悲歡只在循環裏

莫道征遼偶然耳鹿車載怨重於山人心未愜遼東死
一聲桃李天下知皇后自將神器移漳南未顧鼠竊計
太原已及龍飛時如何只醉揚州酒酒杯在前兵在後
白練天教泄勇冤醉骨沈沈當速朽孤墳寂寞向雷塘
秋螢星散已無光惟餘二十四橋月獨照遊魂歸洛陽

九成宮圖

元
馬祖常

泉濺濺而響谷風瑟瑟以動林夾兩山以為趾絡下壑
與上岑宮纖麗以媚女觀騫翥以凌塵矢池魚而泳泳

飼圓麟而馴馴帝柰何兮不樂將弭旆乎江津

題郭忠恕九成宮圖

元 王士熙

隋室好繁華青山作帝家雉樓曾宿鳳鸞樹不棲鴉池
藻縈春月簾衣織晚霞西風催別恨帆影到天涯

題郭忠恕九成宮圖

元 王士熙

鐵馬歸來定太平九成宮殿暑風清龍蟠古洞長藏雨
鳳入層臺自度笙畫棟塵空巢燕去蒼崖雲掩路碑橫
秦川忽向丹青見魂夢依稀識化城

王摩詰驪山宮圖

二首

元王惲

安遠門西萬里餘耕桑煙火總民居只應勤政樓中夢
百倍華清樂不如

憶昔風流王右相開元親侍玉堂廬細吟凝碧池頭句
政恐丹青是諫書

驪山宮圖

元王士熙

翠嶺含煙曉仗催五家車騎入朝來千峰雲散歌樓合
十月霜晴浴殿開烽火高一作空臺留草樹筋支長路入

一作
塵埃月中人去青山在始信昆明有劫灰

驪山宮圖

元
馬祖常

萬戶千門春殿開溫泉花發翠華來可憐十月無陽節
獨見浮波玉鴈回

題開元宮圖

元
鄧文原

西湖春動風泠泠忽鼓瑟窺湘靈夫君要眇降雲軒
椒堂桂棟羅芳馨春城日逝崦嵫暮幽夢重門鎖花霧
玉簫聲沈鳳飛去迸入秋風五陵樹至人高懷視雲浮

昔者金屋今丹丘白鶴來下明月樓知有王喬飛鳥遊
仙人好幻多戲劇海變桑田蓮變碧百靈呵護融風息
依舊瓊臺絳宇炫耀雲五色

任南麓畫華清宮圖

金趙秉文

天寶遺事今幾年華清樓殿非人間五家羅綺溢山谷
驅入尺紙天工閒豆分繡嶺線涇渭人物微茫纔位置
想當睥睨下筆時兩眼猶能書細字乃知棘端可以造
沐猴巧奪造化非人謀胷中度世乃吾事坐令千里當

雙眸明皇初心小姚禹肯比金陵一孱主一盼遙為妖
姬留柰何坐此覆神州太白西去有鳥道蜀山秦樹令
人老浮雲一蔽漁陽城祿山馬飽宮前草恩流四海一
玉環胡兒不合窺潼關至今脂澤下蟾口時有飲鹿疑
神姦豈知水洗凝脂滑一掬傷心馬鬼血多年鬼火化
為碧還遶離宮送行客龍巖幾度過華清筆端山高水
泠泠嗚呼興廢今已矣祇有丹青留典型畫詩雙絕兼
書工留傳遜公到松公今年益入嫺川東火燒塔寺一

洗空松公間關來帝里一身與畫同生死吾聞挈瓶之
智不假器支郎大勝潼關騎

題任南麓畫華清宮圖後

并序

元

王

惲

圖有閒閒公題詩作擘窠真書與畫為三絕此卷初
主於僧遜公繼為媯川松公所寶興定初松公間關
兵亂中保持與歸燕都今為予英家藏至元廿四年
楊示予披玩者累日嘗欲賦一詩以發偉觀竟以事
未暇今林谿歿畫復在燕不知且歸何人適閱淦水

集見公題詩偶書此以償宿昔初弗計其不揆也廿
八年冬十一月十四日秋礪老人序

三郎年耄誇精健歲歲華清事游宴玉蓮湯殿浴行雲
傾城幾顧環兒倩一掬游塵散馬嵬餘波不洗香囊怨
龍巖畫筆寫興亡墨花暈出真妃傳謫仙辭翰兩超脫
媿以任公世三絕我昔西游不到秦披圖空夢驪山月
林谿家藏什襲珍楊生已歿歸何人護持當有松公神

華清宮圖

元
馬祖常

帝出車以鳴鸞儼六龍之驥首循長陸而東驚謂泉源
之在右穹閭闔之天門封百二而為垣朋獬狴而不醜
嗟神堯之文孫

跋蘭昌宮圖

元王惲

宮斜春草暗驪陽花底春雲覆苑牆忽覩翠嬰銀勺事
世間疑有返魂香

離宮圖

元袁桷

龍首渠開王氣埋淺沙殘草認天街當年金屋寒鴉聚

時有耕人拾寶釵

題饒孟持所藏趙希遠畫渚宮圖

明

危進

卷畫闌圍響屨廊流蘇帳幔鬱金堂玉龍刺注千鍾酒
金鴨濃熏百和香院宇鳴秋霜葉赤軒窗破曉露花黃
舊時行樂今看畫煙月蘆汀鴈幾行

題王提舉界畫宮殿圖

明

張紳

吳蠶擇繭銀絲光輕毫界墨秋痕香宮中千門復萬戶
知是阿房是未央樓上美人朝未起十二珠簾隔秋水

香銷玳瑁舞筵間，夢斷芙蓉鴛帳底。
八窗玲瓏金鎖開，君王已在迎仙臺。
霓旌鳳輦雲間合，翠管銀笙天上來。
君不見，咸陽一火三月紅，野花啼鳥爭春風。
當時亡國知何處，盡在如今圖畫中。

水殿圖

元
于立

羊車欲過玉闌東，雉扇微開水殿風。
白鳳徘徊金井月，涼陰半在碧梧桐。

水殿圖

明
高啓

波影繞闌干清虛似廣寒荷香臨檻挹月色捲簾看夜
靜聞清吹涼多卻素紈宴酣思薦鱸銀縷簇金盤

恭題水殿圖

明
劉 鉉

結構憑毫素珠簾拂翠溟霞殘荷墜粉雪動鳥梳翎煩
暑消三伏清虛拱萬靈微茫煙柳外應見紫雲亭

題趙希遠萬松金闕圖

明
高 啓

長松掀髯若羣龍下繞宮闕雲千重鳳凰山頭望前殿
翠濤正涌金芙蓉海門日出潮初上白鶴飛來近仙掌

百官候綴紫宸班露滴朝衣氣森爽漢家楊柳唐宮花
容易零落空繁華何如可獻至尊壽萸苓美似安期瓜
鑾輿因戀湖山好樓閣清陰勝蓬島不知風雨汴陵前
虜卒新樵幾株倒當日榻前初進圖黃金趣賜聞傳呼
何年流落在人世父老猶看思舊都客行近過吳山下
落葉空林惟敗瓦豈無畫史似前人秋色淒涼不堪寫

題趙希遠萬松金闕圖

明張適

天闕萬松中峯堯倚碧空星旋黃道內日出紫雲東翠

合彤庭冥金鋪複閣雄風捎天上落雲榦雨餘虹橋檻
棲慵鳥堤沙藉倦驄花明宮媛珮柳拂羽人弓仙掌凝
瓊露宸筵散麝風皋鳴能舞鶴汀渡可郵鴻逸豫安羣
庶流移念兩宮斯圖重展翫興感思無窮

題萬松金闕圖

明

李延興

袞冕曾迎鳳駕來煙沈金闕半蒿萊霞蒸日氣紅初上
雲壓松陰黑半開玉井霆轟龍起蟄虛窗笙響鶴飛回
前朝事往雲無迹愁聽江聲入夜哀

招真觀圖

元楊載

欲學無為道來居小有天精神消物怪采色變風煙恬
澹知天德虛無象帝先高風何特達古迹尚流傳地涉
鴻荒表山開混沌前谷幽疑鬼聚峰巧類人鑄疊起三
重閭分流百道泉巖穿留虎跡石冷逗蛟涎放浪曾無
日遨遊未有年古經披攬罷毛骨為醒然

題信州九天觀圖

二首

元楊載

高林褰翠氣虛谷散虹光道士多騎虎仙人自牧羊澗

泉通地遠山嶺際天長戴子文為記流傳示不忘
四圍山不斷狀若碧芙蓉谷遠含風細崖深下露濃茂
林藏虎豹陰洞伏蛟龍恍惚神人降浮空羽蓋重

題德忠觀圖

明沈周

飛觀宮堯擁赤闌清都曲密到應難月移殿影瑤階靜
風引簫聲碧樹寒竊藥靈苑窺石室繞香仙鶴下經壇
尺書早晚通相訊洞裏桃花欲借看

題祝道士龍虎山先天觀圖

元揭傒斯

聞說先天觀重重絕壁環鳥啼青澗裏花落白雲間樵
子能長嘯居人識大還洞門無處認唯有水潺湲

仙山樓觀圖

元 鄭元祐

嵯峨三神山仙聖之所居芝草布庭闕霞光曳衣裾渴
飲碧玉漿飢餐紫琳腴霓旌冉冉下彤樓擁鸞輿青童
啟藏室帝命較寶書齋心始能讀字字皆玄樞朗詠以
相授靈風舞神魚天遠靡得聞何以能啟予空嗟珊瑚
日照耀金芙蓉

郭忠恕仙山樓觀

元 吳 鎮

疊嶂雲仍起崇山境轉幽溪雲千頃雪松籟一林秋長
嘯臨朱閣清游卧石樓橋迴泉溜遠消盡古今愁

郭忠恕仙山樓觀圖

元 黃公望

漢主離宮最上頭昔年曾侍翠華遊青天半落銀河水
白日高懸華嶽秋花隱儀鑾臨閣道仗移簫鳳下瀛洲
三山更在齊州外遙望蒼煙九點浮

題仙山樓觀圖

元 郭 翼

五雲樓閣世間無日月龍光出綺疏王母

關

雙成扶下紫雲輦

仙山樓觀圖

元

秦約

霞光樓觀鬱嵯峨下有虹梁俯礪阿千樹松肪化神珀
萬山靈籟答空歌翠鸞不寄麻姑信白鹿遙迎葛令過
我欲排雲凌浩蕩仙凡未省竟如何

題宋徽宗仙山樓觀圖

元

顧瑛

宣和天子昔神遊鳳駕行空過玉樓此去有人言赤馬

歸來無處逐青牛分明艮岳通玄圃想像方壺接祖洲
莫把仙山作圖畫瓊花琪樹不勝秋

仙山樓觀圖

為馬仲禮作

元張雨

憶共能書蔡少霞良常洞口看桃花人間詩酒耽迷了
三百來年不到家

仙山樓觀圖

元唐肅

玉女盆邊曉洗頭風吹珠樹冷颼颼雲間聽得金梭響
知是天孫織未休

仙山樓觀圖

明 高 啓

霧閣消閒脈望飛月明露重濕珠衣仙人莫入芙蓉館
花暗迷人不得歸

題仙山樓觀圖

明 陳憲章

貌得仙山尺素餘真形五嶽復何如地平渤海揚塵後
天啓扶桑御日初丹鼎河車長命訣琅函瓊簡列名書
易遷宮似金銀闕四百年來已定居

題邊丈進仙山樓觀圖

明 方 行

仙人散髮懸雙瞳能移崑崙開華嵩為我一掃瀛洲趣
中有千年不死青芙蓉飄飄煙霞入君手深林蔽羃桃
源口蒼煙颯颯鸞競飛丹霞恍恍龍驚走赤城掩靄天
姥迴石梁倒挂雙瓊臺桃花半壁鏡中見古木盡化青
猿哀素娥迴颺下瑤殿明星王女長相見邀余為作商
山歌坐看桑田幾經變丹霞亂飛桂樹表手翳瓊枝拂
瑤草天風吹入西瑤池王母秋眉颯衰老瑤池花暖春
未凋三十六宮散瓊瑤青霓錦帔耀雲日上元月下來

吹簫吹鳳簫子繫霜絲君亦胡為弄參差他年儻惠金
鵝蕊寄聲蓬島長相思

題仙山樓觀圖

明
劉師邵

宇宙開新城星辰隱上台羣峰羅窈窕列嶂擁崔嵬玉
觀參差聳琳宮次第開珮聲霞外響幢影日邊來王母
迴鸞馭秦娥集鳳臺懸枝珠作網綴地錦為苔樹挽千
峰霧泉轟萬壑雷地疑逢閬苑山似接蓬萊真境殊難
遇新詩豈易裁抽毫聊短述深媿謫仙才

題仙山樓閣圖

明
陳繼儒

人間沈沈夢未覺
夜半日出登仙閣
紫芝瑤草生天香
鶴夢未老松花落

題仙山樓觀圖

明
僧宗衍

琅玕珠樹隔煙霄
仙子樓居接翠遙
羽化夢憑玄鶴返
丹成身與白雲飄
杖隨麋鹿山深淺
釣掣鯨魚海動搖
想像虛無圖畫裏
秦王漢武若為招

題仙山樓觀

明
僧麟洲

複水重山路杳然山家樓觀入青天那知白首黃塵事
只伴桃花度歲年

題春山樓觀圖

明
劉崧

川光媚春陽巖溜含夕響林花間欲飛江草暗方長迢
遞樓觀陰峰迴見仙掌

題春山樓觀圖

明
程敏政

一帶好山橫樹杪幾重高閣起雲中何當避暑鉤簾坐
納取虛牕八面風

秋山樓觀圖

柳道傳嘗以荆浩所作巨幅縮成小卷

元

吳師道

奉常先生客燕都縱閱三館之圖書秋山樓觀忽到眼
印章猶是宣和儲當年絕藝洪谷子身在太行秋色裏
萬里雲飛木落時遙寫朱闌半空起先生恢廓山水胸
紛紛畫史難為工偶窺得意微妙處自出變態經營中
蘭亭易用燈展影拌人乃以堵畫宮莫言尺素非巨幅
形體雖異精神同京塵歸來二十載篋中寶氣騰晴虹
一丘一壑金華下以道卷舒無愧者淡然誰識先生心

許我閒來時看畫

題會稽韓與玉秋山樓觀

元納延

樓觀依青嶼峯巒似越州樹根流水過山頂白雲浮露
下琴絲潤溪寒釣石幽相看圖畫裏歷歷記曾遊

題舒真人北山樓觀圖

元薩都拉

瑤花琪樹間霓旌十二朱樓接五城臺上吹簫秦弄玉
雲邊度曲許飛璫光流漢殿青鸞舞霞擁函闕紫氣明
方丈蓬萊俱咫尺不須東望問長生

題中天樓觀圖

明林鴻

海上仙山接混茫，仙居遠在白雲鄉。
樓當太乙星辰近，樹拂勾陳雨露香。
絳節馭風來阿母，玉簫吹月醉周王。
可憐八駿歸來晚，蕭颯蛾眉兩鬢霜。

溪山仙館圖

元吳師道

平川漾輕舟，蒼石擁高樹。
煙中連嶂斷，林際飛霞露。
茲宇誰所營，列仙實來聚。
我生戀溪谷，忽去踏塵路。
坐恐孤夙期，臨風恍延佇。

唐子華雲松仙館圖

元 鄧文原

危峰削玉插晴空，淋漓秀色含鴻濛。
世間萬物有時易，惟有青山今古同。
隱君山下營茅屋，煙霞笑傲逃塵俗。
日長心境鶴俱閒，自埽白雲松下宿。
谿頭覓句行遲遲，童子囊琴歸竹籬。
猗蘭調古少人聽，等閒何處尋鍾期。

郭忠恕萬松仙館圖

元 吳 鎮

參差琳館碧山齊，雲擁疎松望欲迷。
野老忘機自來去，忽驚麋鹿各東西。

郭忠恕夏山仙館圖

元 吳 鎮

蒼崖過雨流青玉萬朶芙蓉紅間綠松枝搖動碧簾風
蘭舟徐度迴塘曲畫閣朱樓設翠榆銀牀冰簟上流蘇
美人繡倦頻來往仙侶長吟聊自娛羽扇不揮塵不到
博山麝腦香猶裊新蟬驚破北窗眠幽禽啼斷林間巧
竹煙浮翠薦龍團樹影當庭映日圓晚來兩兩尋幽客
應識溪聲六月寒圖中景物非人世如此丹青誰得似
屈指流傳四百年宣和賞識標忠恕人間何處無炎敲

火雲照耀未能消
高齋展對殊未已
一片涼颼落素綃
郭忠恕萬松仙館圖
元黃公望
琳堂掩映萬松齊
絕壑寒雲望不迷
為聽水流翻破寂
輕袍重過短牆西

李咸熙雪溪仙館圖

元黃公望

大樹小樹俄變玉
千峰萬峰忽失青
高人深掩茅屋卧
不羨園爐醉復醒

姚運使溪山仙館圖

明張羽

去年君為郡文學獨抱遺經憎命薄出門無馬坐無糧
拜迎官長常作惡今年君為轉運使殊恩親出官家賜
月給太倉三十斛況復官閒少公事人生貴賤反覆間
世上悠悠那解此憶昨訪我當嚴冬寫此溪山三數重
驂騑一去了無影空有遺跡泥沙中聞道河間故城裏
開門遙見滹沱水何時為畫古邯鄲珍重函封寄千里

盧鴻仙山臺榭圖

元

鄧文原

仙都圍合碧雲籠洞口緋桃著雨穠丹闕春深巢翡翠

朱扉風暖出芙蓉壺公不負三山約
向子終期五嶽逢
野鶴一聲山館寂
倚闌長聽水淙淙

盧鴻仙山臺榭圖

元
吳鎮

塵蹤何得此中游
無數青山遶殿頭
爐篆浮煙朝靄靄
溪雲連樹晚油油
花香曲徑羣麝聚
芸芷平田獨鶴遊
欲識仙家真樂處
一泓清瀨四山秋

虎豹九關圖

元
王惲

九重關鍵錦斑圍
蟣蝨微言語可知
首闢四門明四目

定書深意見宣尼

康樂圖

長安韓德卿夜夢至一宮室扁曰康樂因名其堂以奉其母

元劉因

至人無夢夢乃真
瞪目一視空中塵
悲歡蟻旋水東注
遺珠罔象迷其津
持螯嗽曰逞詆訕
取禾坐極夸榮貴
不如長安韓生道
上眠念母還家枕
中記紫霞之宮乃
俗書煙霏霧結開
雲圖虛靈變化在
頃刻齧指疾應維
心符城上烏啼畢
通尾倚門獨占乾
鵲喜萬里辭親真

可憐書來端有平安字

錢鈞羽畫

元唐肅

結構倚崔嵬廊腰勢漫迴雲將銀浪湧山作翠蓮開徑
小無車入庭空有鳥來筆牀風墜葉書閣雨生苔蘭佩
誰同擷荷衣只自裁一區揚子宅百尺野王堆帳鶴元
無怨沙鷗莫浪猜此中鄰可卜吾亦謝喧阓

小李將軍院體小幅

二首

明祝顥

金屋瓊臺擁畫樓錦雲香滿米蓮舟人間盡道仙家樂

不識霜娥有底愁

花暗宮垣柳映堤五陵春色望中迷
昭陽月上長門閉猶放香紅逐馬蹄

題院畫

二首

明
吳寬

翩翩白馬紫絲韁
馳過彎堤十里長
千樹桃花萬株柳
前頭宮殿是昭陽

瑤樓金殿映丹霞
只把仙家比內家
落日美人秋水
上紅妝一面亂荷花

題畫

明 沈周

嫩黃楊柳未藏鴉
隔岸紅桃半著花
開眼闌干接平楚
夾洲亭館豈長沙
悠悠魚泳知人樂
故故鷗飛照鬢華
如此風光真入畫
自然吾亦愛吾家



御定歷代題畫詩類卷一百十三

欽定四庫全書

集部

御定歷代題畫詩類卷一百十四

七

詳校官刑部侍郎_臣李封

主事銜_臣徐以坤覆勘

總校官降調編修_臣倉聖脉

校對官中書_臣高 中

謄錄監生_臣賀松齡

欽定四庫全書

御定歷代題畫詩類卷一百十四目錄

宮室類

吳道玄五雲樓閣圖

元鄧文原

吳道玄五雲樓閣

元吳鎮

李咸熙秋山樓閣圖

元黃公望

雲山樓閣圖

明高啓二首

天開畫樓圖

宋白玉蟾

翠岫樓臺圖

明張通

題饒良鄉所藏界畫黃樓圖

明張以寧

西爽樓圖

明徐賁

望仙樓圖

明唐之澤

題豐樂樓圖

明李進

自題待月樓圖感舊

明張燦

三閣圖

元楊維禎

題怡上人松風閣圖

明姚廣孝

六浮閣歌題所畫六浮閣圖

明李長蘅

題王朋梅為朱澤民畫水閣圖

明王世貞

題界畫臺閣

明高棟

題王朋梅界畫大都池館圖樣

元張昱

朱陵別館圖

元程鉅夫

巨峰林館圖

明徐賁

題竹洲館圖

明王世懋二首

秀野軒圖

明瞿莊

題秀野軒圖

明高啓

題秀野軒圖

明楊基

題秀野軒圖

明徐賁

題秀野軒圖

明王冕

題秀野軒圖

明張端

題秀野軒圖

明田耕

題秀野軒圖

明姜文震

題秀野軒圖

明周世衡

題秀野軒圖

明董遠

題秀野軒圖

明陳璞

題秀野軒圖

明張吉

題秀野軒圖

明朱斌

題耕漁軒圖

明高啓

題耕漁軒圖

明張羽

題耕漁軒圖

明劉天錫

題耕漁軒圖

明王樞

題耕漁軒圖

明陳潛夫

題耕漁軒圖

明黃載

題耕漁軒圖

明張緯

題耕漁軒圖

明釋惟善

題夢鶴軒圖

元劉永之

題友鶴軒圖

明姚廣孝

王叔明琴鶴軒圖

明董存

王叔明琴鶴軒圖

明張光弼

莘叔耕畫梅雪軒圖

明張羽

題安分軒圖

明田子貞

聽雨軒圖

明林弼

再用韻戲作二菴圖

宋饒節

次儀真尹正郎元夫以斗菴圖索題

明廖道南

為眉公作苔帚菴圖并題

明董其昌

黃葉菴圖

明李日華

題張中丞東亭圖

元袁桷

起亭圖

明程敏政

訪友松竹居圖

元程鉅夫

黃一峰畫貞居圖

元張雨

散木高居圖

明沈周

題趙仲穆竹西圖

元張雨

丈上人西麓圖

明僧大圭

御定歷代題畫詩類卷一百十四目錄

欽定四庫全書

御選歷代題畫詩類卷一百十四

宮室類

吳道玄五雲樓閣圖

并序

元

鄧文原

吾僚友趙松雪盛稱此卷余豔慕之已二十餘年矣
一日危太僕出示索題深慰夙懷因書近詩一律於
尾

觀閣嵯峨起日邊春雲鰲隰倚層巔天低青海一杯水

山落齊州九點煙百尺長松神闕外千秋靈栢古壇前
遨遊盡是蓬山侶瑤草金芝不記年

吳道玄五雲樓閣

元

吳鎮

碧樹圍青幄羣峰列嶂來卿雲分五色鵲觀倚三台仙
客乘春至山翁何暮回高深無限思之子總神材

李咸熙秋山樓閣圖

元

黃公望

傑閣逶迤秋色老霜林掩映暮峰橫居人自有閒中伴
坐對飛流意不驚

雲山樓閣圖

為朱子
愚賦

明
高啓

白雲窈窕楚天陰
半露樓臺出遠林
簾幙卷時秋雨歇
鼓鐘鳴處夕陽沈
鶴從遼海天邊下
猿隔巴山樹裏吟
為問仙家在哪里
欲穿謝屐一登臨

雲山樓閣圖

明
高啓

碧樹香臺錦繡連
畫師應見亂離前
如今風景那堪寫
廢寺空山鎖暮煙

天開畫樓圖

宋
白玉蟾

層檐疊巘入蒼冥千山萬山相送迎晴雲一抹收未了
溪尾更濯餘霞明化工朝暮費點染丹青變態隨深淺
凭闌展空千里眼却愁此軸難舒卷

翠岫樓臺圖

明張適

巖下樓臺擁翠霞千章嘉樹蔭窗紗曲闌干外東風急
人隔珠簾看落花

題饒良卿所藏界畫黃樓圖

明張以寧

饒君手持新畫圖起摩雙眼驚老夫高林葉響畫浙漚

平皋野色春糝糊綺疏繡瓦細毫末雕拱朱甍盤鬱紆
樓前磊落三長身幅巾大帶皆文儒我疑岳陽或黃鶴
此外風景江南無君云乃是徐州之黃樓令我悵然思
大蘇洪河西來原地裂蛟鰐抃舞號天吳飛樓雄壓城
之隅萬馬肅肅東南趨是州項氏昔所都綠槍金鏃埋
平蕪漚肝作書上明主遠略翻見英雄粗相攜一笑視
千古恐是昨者黃陳徒細看古意在絹素稍覺爽氣浮
脣鬚千年融結豈易得峨眉草木今猶枯當時漂流江

海邇終古志士長嗟吁君到樓中若把酒明月正在青天孤

西爽樓圖

贈王主簿

明徐貢

幾度登臨托遠思樓中山色意中詩西風又復來看畫却憶扁舟送別時

望仙樓圖

明唐之漳

馬聲龍影半天來月殿霞扉次第開一自躊躇歸碧落人間空築望仙臺

題豐樂樓圖

明
李進

錢塘城郭帝王州，勝槩千年尚有樓。
南浦雲開珠箔曉，西山雨歇畫闌秋。
玉人歌舞成春夢，芳草王孫非舊遊。
物換星移餘事在，蕭條殘墨不勝愁。

自題待月樓圖感舊

明
張燦

梵宇紅闌四面迴，玉人臨鏡倚崔嵬。
如今風雨驚心處，月也如人待不來。

三閣圖

元
楊維禎

金陵新閣空中起虎踞龍蟠鳳雙倚沈檀雕柱闕玉螭
麗華吹笙彩雲裏水晶簾空瀟明月三十六宮白於水
紅塵巴馬四百秋五城步障五花球綵繒山頭蓋宮殿
山前十二銀潢流健娥五百曳錦纜金蓮吐影上下金
銀州二三狎客混歌舞中有酒悲淚如雨嘉州諷諫三
閣圖秦川別幸千花株回鶻隊鴉羣呼夜半卷土昌瀟
渝黃茅縛髻口銜壁草降表王中書嗚呼玉樹聲中作
唐虜門外崇韜是擒虎

題怡上人松風閣圖

明姚廣孝

萬松蒼蒼蟠峻嶺久向耶溪誇絕境道人層構萬松間
宴坐長年樂深靜靈飈歛來巖谷口髣君忽作蛟鼉吼
喧飀直遣嶺猿驚振迅或令山鬼走須臾瑟瑟復蕭蕭
初如笙竽再如韶裂石聲欺匡阜瀑奔雷勢壓錢塘潮
清竒自適煙霞侶冷落豈宜箏笛耳長夜寥寥四壁空
贏得此心如止水黃鶴山中淨名老援筆圖成過荊浩
金華太史製雄文秋色南山兩相好

六浮閣歌題所畫六浮閣圖

明

李長蘅

十年山閣不得就却負青螺日夜浮故人一見豁雙眼
何日三間銷百憂冰花琪樹亂檻外銀山雪屋排簷頭
百年有錢作底用一朝未築偕行休君家西湖我震澤
往經冬夏來春秋十千到手即可辦非我求君君自謀

題王朋梅為朱澤民畫水閣圖

明

王世貞

孤雲宿世一畫師丹青自結元君知行逢鎮東兩闢奇
泚筆為寫無聲詩簷牙四綰天棘絲角影倒插寒漣漪

空青排闥月滿卮醉睡不記東君誰二仙仙去亭何之
有圖髣髴猶可追即今此圖隨亦隳是水可亭亭可居
不朽況有諸賢辭

題界畫臺閣

明高棟

銅雀高樓借日懸姑蘇舞榭入雲煙繁華一落金屏影
半是吳山鄴水邊

題王朋梅界畫大都池館圖樣

元張昱

國初以來好時節治綠妖紅葢阡陌樂遊盡是勲貴家

人聞馬嘶聽不得細漆闌干輦子車同載女子如薺花
車中馬上口相許胡蝶夢滿東西家牡丹臺畔夜如晝
花照銀鐙大於斗正月飲到三月中樂地歡天古無有
一朝花謝春復歸門鎖池園空綠苔簾前塵覆珊瑚樹
案上蝶棲鸚鵡杯豪華盡逐東流往百年丹青花草莽
當時命酒徵歌人此日題詩畫圖上

朱陵別館圖

元

程鉅夫

悠悠清川動藹藹朱陵曉宿霧猶空濛行雲方縹緲谷

深嘯陰虎峰高礙晴鳥應有仙人來巢居謝塵擾

巨峰林館圖

明
徐貞

林峰散芳氣泉木搖空濛雲房三十六窈渺煙霞中羽
人晞髮罷日出千花紅長吟招白鳳小舞令青童融心
醉玄液逍遙凌八風

題竹洲館圖

二首

明
王世懋

朱宮碧宇畫陰陰竹裏泉聲處處深一自吹簫仙去後
至今風雨作龍吟

琅玕千尺鬪崢嶸
碧鎖齋宮近太清
此日子猷須嘯詠
不妨還問主人名

秀野軒圖

明瞿莊

高士閒門日日開
遠山如髮水如苔
幾時脫却塵中鞅
布韞青鞵屢往來

題秀野軒圖

明高裕

江晚洲渚交雨晴
草霏霏前山靄欲闇
吾師渡水歸望
煙知君家花竹隱
半扉已休田中耒
猶響林下機
此鄉

即桃源亂後世有稀開圖身已到不知塵境非

題秀野軒圖

明楊基

結茅近東皋清曠接平行新春微雨過芳草綠如剪攜
書坐深竹自讀自舒卷興至杖策行而不賴輿輦西鄰
雞豚社落日牛羊園至貴在無求何勞事軒冕

題秀野軒圖

明徐賁

何處問幽尋軒居湖上林竹陰看坐釣苔跡想行吟嶂
日斜明牖渚風涼到琴相過有鄰叟應只論閒心

題秀野軒圖

明王彝

古苔十畝青山麓
窈窕幽華映深竹
中有高人晝掩扉
裊裊藤梢上書屋
清風出谷灑秋香
返照穿林破春綠
不省睂陽畫裏看
細路經丘杖藜熟

題秀野軒圖

明張端

不識餘杭縣今知
秀野軒溪聲長在耳
山影正當門人
自千鍾祿君猶獨
樂園樵漁還許到
車馬幾曾喧

題秀野軒圖

明田耕

門掩雨餘苔時因看竹開客閒棋響罷犬吠屐聲來雲
冷理琴薦花繁近酒杯高情與幽思只是覓詩材

題秀野軒圖

明
姜文震

聞君溪上結幽居地僻時通長者車山愛夕陽留几席
竹因涼雨靜琴書碧香蟻嫩新篳酒白味羹分小艇魚
我亦有家山水窟十年無地著茅廬

題秀野軒圖

明
周世衡

背郭幽居如畫裏斷林春水綠迴環樹連煙水猿啼寺

門對湘中過雨山送客馬嘶清陰去鈎簾鳥度亂花還
十年奔走風塵際肯信凭闌一日間

題秀野軒圖

明董遠

十年歸向山中住每憶從容訪隱居雲氣白霏簷外雨
竹光晴映案頭書凭闌晝靜聽呦鹿鑿沼泉香愛畜魚
因憶軒中舊賓客江湖清夢未應疎

題秀野軒圖

明陳樸

四運無倚機生意恒相屬茲軒俯林園長年得娛目灼

灼枝上花娟娟坡間竹雨過沈晴彩霜餘淨寒綠清芳
謝妖靡幽姿遠塵俗心跡淡已安於焉樂貞獨

題秀野軒圖

明張吉

屋裏青山屋外溪水流雲度坐中知繁花翠竹春來好
古木蒼藤晚更奇教子讀書兼學稼留人炊黍復烹葵
鹿門風景青門趣都在斜陽曳杖時

題秀野軒圖

明朱斌

昔年曾作軒中客今日重題秀野詩回檻彩雲晴縹緲

遶牆蒼雪曉參差
雨餘山氣侵茶鼎
風過林香落酒卮
念我松楸渾咫尺
倚闌長是不勝思

題耕漁軒圖

明
高 啓

朝聞孺子歌暮聽梁父吟
豈無滄洲懷亦有畎畝心
昔賢在泥蟠終當起為霖
釣獲溪上璫鉏揮瓦中金
茲世方喪亂伊人邈難尋
既迷煙波間復阻雲谷深
嗟我豈其偶聊將學幽潛
惟子是同抱相期清渭陰

題耕漁軒圖

明
張 羽

之子住銅坑人傳好事名如何同甲子翻遣昧平生野
岸風中釣湖田雨後耕秋天漸涼冷或可赴前盟

題耕漁軒圖

明
劉天錫

高人謝塵囂俯仰忘昏旦興衰固無繫舒卷任蕭散鮮
鱗醒莫酣新炊應晨饌羊裘猶近名茲隱發深歎適意
好歸來江空歲將晏

題耕漁軒圖

明
王禔

太湖湖上結茅廬盡日耕漁樂有餘釣罷一蓑春雨足

歸來南渚帶經鉏

題耕漁軒圖

明
陳潛夫

一自幽棲白板扉，略無塵夢到輕肥。
摩挲老眼臨書卷，抖擻閒身稱布衣。
風竹翠迴琴響近，雨苔青滿屐痕稀。
客來況說雲山好，處處春苗長蕨薇。

題耕漁軒圖

明
黃載

安分軒中安分人，索居應得樂閒身。
平生不慕陶朱富，終歲寧甘原憲貧。
雨霽帶經鉏隴上，天寒鼓枹釣溪濱。

固窮自是書生事亦欲移家共作鄰

題耕漁軒圖

明
張緯

幽人薄世榮耕漁夙所喜朝耕西華田暮釣洞庭水浮
沈干戈際無譽亦無毀釀秫雲翻甕鱸魚雪飛几客來
具杯酌客去味經史緬懷清渭濱何如鹿門裏往者不
復見斯人亦云已努力勤所業庶免素餐恥

題耕漁軒圖

明
釋惟善

林壑浮巖塵端居絕四鄰青山對幽戶綠樹遶通津泉

石多佳趣交游少故人怡然心澹泊安分復安貧

題夢鶴軒圖

為淦守曹仲修賦

元劉永之

綠髮山翁宮錦衣十年淪落江之涯扁舟夜倚弄明月
夢逐西風孤鶴飛孤鶴西飛渡江渚星斗沈沈遠山曙
逸思騫騰八極雲霜毫點染三秋露梁園才子蘭臺賓
露幌行春移畫輪未論羽翼冲霄漢直道襟懷如古人
山城休暇多賓客共展新圖綺軒側一曲寒波照縞衣
坐令長憶林皋宅

題友鶴軒圖

明
姚廣孝

幽人適野意，崇軒起山隈。
涼風響澗木，晴霞明砌苔。
荆扉夕不掩，多應放鶴來。

王叔明琴鶴軒圖

明
董存

喬梓陰陰綠滿林，每緣琴鶴叙朋簪。
五音誰和南風曲，一羽猶懷萬里心。
柳絮雲浮春澹澹，仙衣露溼夜沈沈。
西牕剪燭相期久，一洗哇淫為子吟。

王叔明琴鶴軒圖

明
張光弼

幽居琴鶴以怡情童子何知預我清羽翼如傳兩階舞
徽絃為和九臯鳴山林在昔多迂士畫史何人有重名
好託丹青留後日莫忘清獻舊家聲

芊叔耕畫梅雪軒圖

明張羽

好畫誰如芊棗強墮馬折肱猶未忘何年寫此寒林趣
精絕未數左手王屋裏何人坐吹笛似是南昌郡中客
曲終微雪忽飛來開門滿樹梅花白

題安分軒圖

明田子貞

一室蕭然萬慮忘幽棲真似斛斯莊春晴野澗多菰藿
秋晚山田足稻梁待富却慚居易拙送窮應笑退之狂
看君已在羲皇上老去從教白髮長

聽雨軒圖

為王彥章題

明林弼

山牕酒醒夢魂清竹外松邊點點鳴蒲礪寺前千尺瀑
都隨黃葉作秋聲

再用韻戲作二菴圖

宋饒節

人說雙菴鵲壁巔妙高峰頂四禪天夢魂似亦曾招手

千里猶堪論比肩
淥水白雲同一妙
蒼松翠竹自相鮮
誰能為作虎頭畫
傳與人間五百年

次儀真尹正郎元夫以斗菴圖索題

明

廖道南

斗菴何所有長日坐春風
種竹交加翠栽桃爛漫紅
星臨天極北月轉海門東
斟酌璿璣氣鴻鈞測化工

為晉公作苔菴圖并題

明

董其昌

仲舉無心除一室
盧鴻有句寫千峰
欲叅苔帶閒中意

九點秋山雨後容

黃葉庵圖

為鮑公寫

明

李日華

鶴瘦猿癯不可呼
陰森竹樹隱團蒲
霜風忽捲浮柯盡
幸露清潭照影孤

題張中丞東亭圖

元

袁桷

舊野習真隱
新亭幽且妍
芳菲家林春
引眺增推遷
今德資先猷
嵯峨白雲阡
總角精典籍
承顏綺襦鮮
寒泉感逝波
喬木矯蒼煙
欲論林間趣
深埽區中緣
招攜舊

鄰保舉觴同華顛鷄鳴柳陰直魚跳水紋圓開田穀盈
困種果花滿川荏苒白王京念至心惘然傳忠匪懷祿
立身盡貞堅披圖耿素志功成賦歸田

起亭圖

為顧謙作

明

程敏政

芸香吹滿讀書亭不為時名困一經亭下種松今幾載
長梢將見拂雲青

訪友松竹居圖

元

程鉅夫

流水青山淨似苔竹松多處有樓臺只愁寒夜來相訪

黃州到了休重說桑梓斜陽看醉翁

題趙仲穆竹西圖

為楊元誠

元張雨

問訊揚雄宅深居在竹西風林宜月影春日聽鶯啼東
老應同樂南鄰憶舊題東風又花草相與及幽棲

丈上人西麓圖

明僧大圭

西崦幽居好新圖見巨然庭花研露夕山果熟霜天路
隔王官谷人疑阿對泉何因營此地一榻寄安禪

御定歷代題畫詩類卷一百十四

雪擁重門喚不開

黃一峰畫貞居圖

元張雨

北苑南宮凝絕筆
蟠胸磊砢若為裁
按圖寧在多多許
落墨真成滾滾來
百折丹梯凌礪道
一川鯀水動灣洄
時清誰問商於路
乞我西山錦繡堆

散木高居圖

贈吳元璧

明沈周

舊有茅堂依散木
挂冠於此寄高風
鹿柴山水新圖裏
蟻國功名昨夢中
閉戶著書今日始
拏舟問字遠人通

黃州到了休重說桑梓斜陽看醉翁

題趙仲穆竹西圖

為楊元誠

元張雨

問訊揚雄宅深居在竹西風林宜月影春日聽鶯啼東
老應同樂南鄰憶舊題東風又花草相與及幽棲

丈上人西麓圖

明僧大圭

西崦幽居好新圖見巨然庭花研露夕山果熟霜天路
隔王官谷人疑阿對泉何因營此地一榻寄安禪

御定歷代題畫詩類卷一百十四